

जुलाइ 2024

आंगो बिनानाव,

आंनि अनजाथाव फिसाय आरो जॉनि अनजाथाव गोसोखांथिनि मेट्र'पलिटाना इसोरजों थाहैनाया दा नै दान जाबाय। बेयो जॉनि नखर, बिशपफोर आरो जॉनि गासै गिर्जाफोरनि थाखाय मोनसे जोबोद सानजाथावैमोन। जों लोगोसेयै बिथांआ जॉनिफ्राय जानगारलानायखौ दुखु फोरमायदों; बिथांनि फबनायाखौ मोदैजों नुदोंमोन; आरो बिथांनि जिउआव, गोबां बोसोरनि फोथायजाथाव सिबिनाय, आरो ख्रीष्टखौ मिथिहोनो, निखावरिफोरखौ मदद होनो आरो गिर्जाखौ दैदेननो थाखाय खालामनाय गासैखौबो गोसोखांदोंमोन।

आंडो रोखा दि नोंथाडा लाइभ स्ट्रिमिंआव माखासे सिबिथायफोराव बाहागो लादोंमोन एबा नायदोंमोन। बेयो सोमोनांथावमोन दि बेसेबांबा सुबुंफोर - गिदिर आरो उन्दै- मेट्र'पलिटानखौ बिदाय होनो फेदोंमोन। बिथांनि जिउआ बिसोरनि जिउखौ गाहाम खौरां आरो ख्रीष्टनि अननायजों दांदोंमोन। आं सानोदि नोंथाडा सिबिथायनि समाव जॉनि नखरखौबो बै गिदिर स्क्रिनाव नुदोंमोन। बेयो गोरलै नडामोन, नाथाय इसोरआ जॉनो बेबादि दुखुगोनां समाव रायजो राजानि सिगाडाव नुजानो थाखाय अन्नायखौ होदों। नोंथांनि आर'ज गाबनायनि थाखाय नोंथांखौ जोबोद साबायखर जायनि थाखाय जों गावखौ दैदेनलानायाव मदद मोनदों।

आंडो सारा, (जॉनि फिसाजो) आरो बिनि नखरजों लोगोसे थादोंमोन जेब्लासिम 40 साननि दुखुआ जोबाखैमोन आरो आं न'आव फेनायनि सिगां जॉनि गोदान मेट्र'पलिटानखौ फसंनाय जादोंमोन। आंनि फिसाय जानगारलानायनि उनाव आं गोबां जिनिसफोरखौ जोथोन लानांगौ दं, आरो आं आंनि नखरनि गासिबो मदद आरो अननायनि थाखाय साबायखर बावो।

जेब्लानिफ्राय आं न'आव फेदों, आं जॉनि गिर्जाफोरनि गासिबो बिब'-बिनानावफोरनि बागै सानगासिनो दं जाय जोंखौ मोजां मोनो आरो जॉनि थाखाय आरज गाबगासिनो दं। आंडो सानोदि नोंथाडा सानगासिनो दं जानो हागौ आंनि फिसाय जानगारलानायनि उनाव आं गाहामै थादों ना थायाखै।

अनजाथाव बिनानाव, आं नोंथांनो बे लाइजामखौ लिरहरदों जाहाथे आं माबोरै दं आरो बे गोब्राब समनि थाखाय इसोरआ आंनो होनाय अन्नायनि बागै नोंथांनो मिथिहोनो थाखाय। जिहेतु जों मोनसे पापी मुलुगाव थायो, बेनिखायनो गासैबो जॉनि जिउआव जुजिनाय आरो माबा मोनसे खहा जानानायखौ मोनदांगोन, जानो हागौ दिनै आं नोंथांनो जा लिरहरदों बेयो नोंथांखौ माब्लाबा हेफाजाब होगोन।

जॉनि फिसौफोरजों लोगोसे नख'रनि बयबो मेट्र'पलिटानखौ जोबोद गोसोआव खोख्लैयो। बिथांहा दावबायनाय हुदा दंमोन, नाथाय बियो जेब्लायबो न'आव फेफिनोमोन। दायो जों बिथांखौ फिन नुफिननो थाखाय सोरगोआव सौहैजासिम नेनांगोन। आंनि थाखाय, मेट्र'पलिटान आरो आं जुलि जाना 50 बोसोरसो (12 सान गुसुं) जाबायमोन, आरो आं मिजिं थिदोंमोन दि जों इसोरखौ सिबिनाय समाव जॉनि जिउनि बे जोबथा बाहागोखौ जयै बारहोनो हागोन होनना। नाथाय बे गासैबो गुबुन रोखोमै जाना थांबाय, आरो हरखाब जाब्रबथाय आरो थैनाया जोंखौ बे बुहुमाव जोबथा रायज्जायनोबो एबा गावजों गाव बिदाय लानोबो खाबु होआखैसै।

गोबां बाश्राफोर दं जायखौ आं बुजिसनो हाया, आरो आंहा सौलुफोर दं जायनि फिन्नायखौ मोननो थाखाय अरायसमसिम नेनांगोन। अब्लासिम, आं जॉनि जरगोरा ईसोरखौ फोथायनो थिरांथा लाबाय, मानोना बिनि बाश्राया बुडो दि बियो गाहाम आरो मोजां, बियो मोनसेबो गोरौन्थि खालामा।

जिसुआ आंनि मोदै, आं मोन्दांनाय खहा आरो आं मोन्दांनाय दुखु आरो दुखुनि बाश्राखौ मोन्दांसनो हायो नामा ? ईसोरनि बाश्राया आंनो खोथा होयो दि बियो मोन्दांसनो हायो मानोना बियो बे बुहुमाव थादोंमोन, आरो आं जेसेबां थासारिजों मोगा-मोगि जानांदोंमोन बेखौ बियो मोन्दांसलांदोंमोन। बिनि अनगायैबो, क्रुसाव बियो आंनि गासैबो दुखुफोरखौ लादोंमोन। बियो बुजिसनो हायो जेब्ला आं गाबो, हारसिं मोनो आरो आंनि इयुननि बागै सानबाय थायो।

आंनि गोसोआ दा मोन्दांनय दुखुनिफ्राय माब्ला बारलांगोन ? इसोरा जोंखौ ओरैबादि सोरजिदों दि जोंनो दाहा खालामनो समनि गोनांथि जायो जाहाथे जोंनि जिउआ (गावनि गासै आबेगफोरजों) हामफिननो हायो आरो खहानि उनाव फाहामनायनि मोनदांथि मोननो हायो।

दाऊद, जाय गोबां बिजिरनायफोरनि गेजेरजों थांदोंमोन, बियो गिदफोर 23:3 आव गावनि मोनदांथिनिफ्राय फोरमान होदोंमोन, "बियो आंनो गोदान बोलो होयो।" आथिखालाव आं गिदफोर 23 आरो सानसेआव गोबां खेब गुबुन मोननै गिदफोर बिजाबनि गेजेरजों आरज गाबो, आरो आं गोसोजों फोथायो दि बियो आंनि थाखाय आरो बिनि सायाव फोथायग्रा गासैनिबो थाखाय लुखांफिन्नायनि बे समायखिराखौ आबुं खालामनो फोथायजाथाव।

जिंगा सिनायनि अनगायै आंडो इसोरनियाव बरसा खालामगासिनो दं। आं दानो बेखौल' सामलायनो हायो, नडाब्ला आं गोसो बायनाय मोनो। आरो बियो सानफ्रोमबो आंजों थाबायनो आरो आंनो नांगौ गोहोखौ होनो थाखाय फोथायजाथाव। साननि थाखाय आंनि मावनांगौ खामानिनि फारिलाया सिगांनि रुजुनायाव गुसुंसिन, आरो माब्लाबा माब्लाबा आं थाथ'नो आरो जिरायनो गोनां जायो एबा आंनि गोदें फिसौफोरजों सम हगारनांगौ जायो।

जाय बाश्राया आंखौ बयनिखुइबो बांसिन हेफाजाब होयो बेयो जाबाय दि आं इसोरनि बाश्रायाव आंनि फोथायनायखौ दोन्नो हायो आरो बेजों नांथाबना थानो हायो। आं गावनि जिउनि जेंनागोनं समाव आरो इसोरनि हाबा मावनायाव जों मोगा-मोगि जानांनय गोबां जुजिनायफोराव बेखौ सोलोंनांदोंमोन आरो सर' खालामनांदोंमोन। आंनि अनजाथाव बिनानाव, नोंथाडा नोंथांनि जिउआव मोनसे गिदिर आनजादजों मोगा-मोगि जानायनि सिगां आं नोंथांखौ बे बाश्राखौ सोलोंनो थुलुंगा होयो।

आं आंनि फोथायनायखौ दोन्नाय धोरोम बिजाबफोरनि मादाव मोनसेआ जाबाय जिसुनि समायखिरा: " *आं माब्लाबाबो नोंखौ नागारनाय नडा, नोंखौ गारनाय नडा*" (इब्रायारि 13:5)। इयुनाव आंहा मा जागोन बेयो आंनि गिनायखौ जानगार खालामो।

आं नोंथांनो आंनि फारसे इसोरनि अन्नाय आरो अन्नायनि सोमोन्दे खोन्थानि। जेब्लानिफ्राय आंनि फिसाइया इसोरजों थाफानो जानगारलांडो, बै साननिफ्राय दासिम, आंनि सोरगोआरि बिफाया आंनि गोसोखौ गावनि गोजोनजों बेंखनदों। थेवब्लाबो आंहा मोदें गयो, बे गोजोना आंखौ मोनायाव मोजाडें उनदुनो खाबु होयो, आरो आंनि गोसोआव जेबो गिनाय गैया। आं आंनि फारसे इसोरनि जोथोन आरो अन्नायनि बागै जोबोद सांग्रां।

आं इसोरनो साबायखर बावदों दि आंनि फिसाइया गावनि लेंहरजानायाव फोथायजाथावमोन, बिथाडा गोमालांनय सुबुंफोरनिसिम सौहैनो थाखाय गावनि जिउसिमांखौ लाखिदोंमोन आरो बुहुमाव गावनि जिउनि जोबथा बुब्लिसिम इसोरखौ सिबिदों। आं फोथायो दि जुदि जों बिथांखौ दानो नुनो हायोब्ला, बियो जोंनो खोन्थागोन दि जेब्ला बियो जोंनि बासायगिरिखौ मोगा-मोगि लोगो मोनदोंमोन अब्ला बिथांनि गासै बोसोरनि मावनाय हाबाफोर, जोबनो गैयै दावबायनायफोर, जुजिनाय आरो आनजाद नायनायाफोरा बेसेन गोनांमोन।

मेट्र'पलिटाना गोबां समावनो इब्रायारि 12:1 निफ्राय जोमैनि गेदेर साखिफोरनि सोमोन्दे रायज्जायोमोन जाया जोंखौ सोरगिदिं बेंखनो। आं सानोदि बियो बे जोमैयाव लोगो लाबाय, आरो बियो गोसो गुदुडें नायहरगासिनो दं मानोना जों बिथांनि बिदिन्थिखौ फालिबाय थायो आरो मोनसे गिर्जा महरै जोंनि थाखाय गालांनय थांखि आरो दिगखौ आबुं खालामो।

अनजाथाव बिनानाव, जों जोंनि ईसोर जिसु आरो जोंनि आत्मिक बिफानि थाखाय बयनिखुइबो बांसिन मान आरो गोजोननाय लाबोगोन, जुदि जों अरायसमनि थाखाय थानानै थानो सायख'यो आरो जायफोरा सिगाडाव माब्लाबाबो खोनायाखैमोन बिसोरनि खाथियाव गाहाम खौरां लांनयाव जोंनि जिउखौ गथायगोन। फैं जों जोंनि मेट्र'पलिटान थिअ'फिलास आरो जोंनि गासिबो बिशपफोर आरो दैदेनगिरिफोरनि थाखाय फोथायजाथावै आरज गाबनि। जेब्ला बिसोरो जोंनि गिर्जाखौ सिगांजाना दैदेनगोन अब्ला ईसोरा बिसोरखौ गावनि गियानजों लामा दिन्थिगोन। बिब'-बिनानाव महरै, जों बिसोरनि थाखाय आरो जोंनि गिर्जानि थाखाय बोर आरो थुलुंगा जानो नाजानांगौ।

फै जों मिजिंजों थाना थानि।

आंनि अनजाथाव बिनानाव, बे लाइजामाव आं नोंथांजों आंनि थानाय नै दाननि दावबायनायखौ फोरमायहरबाय। थांखांफिन्नायनि समायखिराया जोंनि गासैबो दुखुखौ सानसे रंजानायाव सोलायहोयो। जों मेट्र'पलिटान आरो जोंनि सिगाड जानगारलांनाय गासिबो सुबुंफोरजों ज' जागोन। बे खेबाव अरायनि थाखाय आरो जोंनि बासायगिरिनि सिगाडाव थाहैगोन।

अन्नानै मिथि दि आं नोंखौ जिसुआव मोजां मोनो आरो आं नोंथांनि थाखाय आरज गाबो।

ख्रीष्टआव नोंनि बिनानाव,

गिसेला यहोनान